



7. oktober 2010

Inatsisartut suleriaasianni § 36 imm. 1 naapertorlugu Naalakkersuisunut apeqquutit imaattut matumuuna saqqummiuppakka:

Naalakkersuisunut apeqquut:

Aalisakkanik Tunisassiornermi Ilinniarfik ATI Maniitsumiittoq Narsamut nuunneqarpat ilinniarfimmi tassani aamma ingerlanneqartoq ATX qanoq pilersaarusiordfigineqarpa?

Maniitsumi efterskoleq aallartinniagaq qaqugu aallartissava, qassinik ilinniartoqassava, sumilu inissisimassava?

Maniitsumi GU-mik aallartitsiniarnermik pilersaarut sumut killippa?

(Inatsisartunut ilaasortaqaq Karl Lyberth, Siumut)

Tunnqavilersuut:

Paasisat malillugit Naalakkersuisut aalajangersimapput Aalisakkanik Tunisassiornermi Ilinniarfik ATI Narsamut nuunneqassasoq.

ATI-mi ingerlanneqartut ilagivaat ATX. Inuusuttut ATX-ertut maannakkut 62-iupput, taamaattumik paaserusunnarpoq ATI-mi ingerlataq taanna pineqartoq pillugu Naalakkersuisut qanoq pilersaaruteqarnersut..

Paasitinneqarpuguttaaq Maniitsumi efterskole-mik aallartitsisoqarniartoq. Taassuma qaqugu aallartinnissaa, sumi inissisimanissaa qassinillu ilinniartoqarnissaa paasissallugit soqutiginarput.

Iliniartitaanermut Naalakkersuisup arlaleriarluni eqqaasarnikuuvaa Maniitsumi GU-mik aallartitsinissamik takorluuisoqartoq.

Maniitsumi GU-mik aallartitsiniarneq takorluugaannaanersoq imaluunniit pimoorullugu ingerlanneqarnersoq paaserusunnarpoq.